

فاطمة عجيبة

فى حب الرسول

صلى الله عليه وسلم

أشعار

الطبعة الأولى مايو 2018

## بطاقة الكتاب

عنوان المؤلف : فى حب الرسول ( صلى الله عليه وسلم )

المؤلف : فاطمة عجيبة

التصنيف : أشعار

رقم الإيداع : 2018-10782

الترقيم الدولى : 978-977-85390-6-6

عدد الصفحات : 104 صفحة

رقم الإصدار الداخلى: 162

تاريخ الإصدار الداخلى: مايو 2018 ( الطبعة الأولى )

الإشراف على جمعية تسهيل الطباعة الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر

طبع ونشر وتوزيع الكتاب الا بموافقة كتابية وموثقة من الشاعر

### دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجي عبد المنعم

المدير العام

جابر الزهيري



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 020554372901 - 01116202218 - 01202541192 - تليفاكس: 020554372901

alnilwaalfourat@gmail.com - alnilwaalfourat

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنترال 13 - قمار 304

ج.م.ع. محافظة المنيا - أبو قرقاص - شرق الزعة - خلف محطة السكة الحديد - هاتف 086214428

ج.م.ع. محافظة القليوبية - مركز طوخ - إيمى - هاتف 0132424735

(البرود)

## المقدمة

كتبت ديواني هذا في مدح الحبيب المصطفى صل الله  
عليه وسلم لعله يكون شفيعا لي يوم القيامة كما ذكرت فيه  
بعض القصائد الدينية التي تحثنا جميعا علي الدعاء والرجاء  
والتقرب إلى الله عز وجل فنحن بطبيعتنا شعب عاطفي يميل  
إلى الكلمة الطيبة وتؤثر فيه

فإن كان خيرا فمن الله وإن كان تقصير

فمن نفسي

اسأل الله لي ولكم القبول والتوفيق

فاطمة عجيبة



## الإهداء

أهدي ديواني فى حب الرسول إلى كل من شجعني وظل بجواري ولم  
ينشغل عن السؤال عني ودائما يدفعني إلى الإمام

إلى أمي الحبيبة /الحاجة أمينة

إلى رفيق عمري زوجي الحنون /رضا سلامة

إلى أخواتي وزوجاتهم /الشحات - إبراهيم - على - سماح - آمال -  
رشا ..

إلى نور عيني أولادي /هايدي - محمد - إبراهيم ..

إلى أولاد أخواتي / جهاد / إسلام / ندي / هاجر / على / عمر / محمد  
مريم / عبدالمنعم / عبدالرحمن

فاطمة عجيبة

# بدر تجلي للورى

بدر تجلي

للورى

قد زاد شوقي لرؤياه

خير البرية سبحان من سواه

فهو الإمام الأحمد

من كان فى السماء محمدا

بدر تجلي

للورى

أشتاق قلبي أن يري

ودعوت ربي راجيا

برؤية الحبيب مناجيا

بدر تجلي

للوري

في سماحته لما جري

من قابل الإساءة بالإحسان

فهو النبي الصادق الإنسان

بدر تجلي

للوري

من كان يعطي ولا يري

قد جاد بما ملكت يداه

صلي عليه الله في عليائه

بدر تجلي

للوري

من ذاق مرارة يتمه

فتربي بين جده وعمه



بدر تجلي

للوري

حباه رباه فارضاه

وبالاسراء والمعراج قد أهداه

بدر تجلي

للوري

من تبعه نال شفاعته

وفاز بجواره ومحبته

# خير البرية

رسول الله محمدا

خير البرية موحدًا

محمودًا إسمه ووصفه

من جري الماء في كفه

فكان خير مولده

بشري تأذن لموعده

وتحقق

ما كان من نبوءات

أعظم رسالة

للهدى والرحمات

فأنت الرسول المؤيد



من كان عدلا ومرشدا  
فرضيت لنا الإسلام دينا خالصا  
وتحملت الكثير وكنت خير حارسا  
رضاك ربي بالاسراء فى موكبا وضاءا  
تتجلي فيه الملائكة فى السماء  
وصليت بالأنبياء فكنت إمامهم  
حقا وصدقا  
أنت الرسول خاتمهم  
وجالست الإله فى سدرة المنتهى  
فكنت خير جليسا  
فعظم شأنك  
وكنت للإله أنيسا  
حبيبي خير المصطفى  
من شاب وصفه ما أكتفى

فأنت أنت الهدى وبر أمانى  
من ظلت بشري دعوته  
فى كل زمانى  
فداك نفسى وما ملكت يداى  
فأنت الإمام الأعظم  
من جاء بالهداية

# حبيبي يا رسول الله

قد زاد شوقي

لرؤيتك

فبكبت في الصلوات

فقد تجلي الإله عليك

وحباك محبة وقبولا في الدعوات

اهداك خير رسالة

تهدي بها البشرية

فكنت خير رسولا

ومكمل الرسالات

خاطبت أناس على قدر عقولهم

فكسبت مودة

وتزينت بالرحمات

عفوت عمن أساء إليك

فضربت مثالا يحتذى

لرسول صاحب معجزات

# حبيبي المصطفى

حبيبي خير المصطفى  
من تحلى بسيرته أكتفى  
ناجيت ربي أنني  
أسير على دربه وكأني  
عاصرته فكنت سيفاً عادلاً  
أنت الإمام الكامل  
من قابل الإساءة بالإحسان  
من طبق العدل في الميزان  
وجعلت الناس سواسية  
لا فرق بين عربي ولا أعجمي  
إلا بتقوي الرحمن

فنشرت الحب والمودة  
في سائر الأركان  
فبكيت شوقاً لرؤيتك  
قد ذاب قلبي في محبتك  
فأنت الإمام الذي  
قاد السلام وإيده  
وإلي طريق الحق ارشده  
كثرت ذنوبي وتعظمت  
وضاعت آمالي وتحطمت  
فأنت الشفيع المشفع  
يوم لا عمل ينفع

# شهر رمضان

ويا شهر

الصوم

يا رمضان

حسنات بالكوم

في رمضان

بنصوم ونصلي ونتعبد

والنية كمان كده تجدد

وأنا ناوي أكيد

في رمضان

ولا اغيظ ولا أكيد

يا رمضان

وہاسامح حتي اللی اذانی

وہابدل غیظی بحنانی

وہاقول وہاقول

یا رمضان

خلیک علی طول

یا رمضان

شهر الإحسان

والجود لینا

ویارب ثوابه

یقضینا

## يا بخته الموعود

يارب يا رحمن

بادعي ليل ونهار

ترضيّني في عيالي

واحفظني بالقرآن

عارفاك يارب غفور

وأنا من الندم محصور

بابكي وأقول ندمان

ارحمني يا رحمن

ويا بخته مين موعود

يشوف رسول الله

يزوره في منامه

ويخفف الأحزان

طول عمري باحلم بيه

وليلاتي أصلي اناجيه

يرضيني وأنا ملهوف

لزيرة العدنان

حبيبي رسول الله

طول عمري باتمناه

وعلي سنته نحبي

ونكمل القرآن

# باعشق رسول الله

باعشق سيدنا الرسول

واقف على بابيه

باتمني أعيش مستور

وأكون من أحبابه

يرضيّني في منامي

لو حتي نظرة عين

تحقق أحلامي

أنا عشت عمري حزين

وهمومي شغلاني

وبكيت ولا المساكين

والعمر عداني

ومرت بيا السنين  
في بحر موجه أليم  
والامه تكسرني  
عديت بيا السنين  
والفكر كده عاصرني  
ولما هداني الله  
وعشت في رحابه  
لاقيت طوق النجاه  
مستني على بابيه  
ناديت بعلو الصوت  
فينك رسول الله  
نفسي أشوفك موت  
والقلب يلقي هداه

## طه حبيب الله

باعشق رسول الله

واحبي على سيرته

طه حبيب الله

دا انا قلبي من حيرته

تملي يدعي يقول

بصوت جوه مخنوق

نفسي أشوف الرسول

وأدعي وأبكي بشوق

ارحمني يا رحمن

وغيرلي احوالي

أنا جوه قلبي إيمان

والحب راسمالي  
حبي لرسول الله  
يتحاك في الأساطير  
نفسي أنام والقاءه  
والقي لهواي تفسير  
على سنته ماشين  
لو بدلوا الأحوال  
حبك في قلبي يقين  
والزرع اصله حلال  
صلوا وقولوا أمين  
نشوف رسول الله  
يا مطيب المساكين  
ورضاك بتمناه  
عشقي في حبك زاد

والتقوي من الإيمان

لو كان لعمرى معاد

ترضىني يا رحن

# سيرة الحبيب المصطفى

لما نويت أكتب قصيدتي فيك  
أمدح خصالك وأكتب وأقول بس  
في فضلك أنا مش هكفيك  
سيدنا الرسول المصطفى والوصف أحمد  
حمد الإله وكان هاديه بكلام موحد  
اتعلمت منه معني الأمانة  
وازاي أكون أمين في شغلي ولا يوم  
اخون مهما يكون  
دايما هادينني وفي كل أزمة  
الاقية يجيني  
وأسمع ضميري يقول في سري

هتقوله إيه لما تقابله  
سيدنا الرسول ولا يوم آسي له  
علمني الصدق في كل حاجة  
وازاي أساعد لو ناس محتاجة  
ولا يوم أتغير مهما عليت  
ولا أنسي أصلي مهما داريت  
عرفت كمان أحفظ عهودي  
ولا يوم افطر وتضيع جهودي  
ولا افتش سر واحد امانلي  
واشكي لربي من اللي ظلمني  
وأصلي ركعة في جوف الليل  
تبقي شفيعي من باب الويل  
واصوم واحكي وأعلم ولادي  
دول هما حملي وسندي وفؤادي

وخصال كثيرة من سيرة الحبيب  
لما اتعلمها قلبي يطيب  
في سيرته العطرة شفاء للقلوب  
بتروح الحيرة والغضب بيدوب  
سيدنا الرسول معروف بأنه صادق أمين  
من صغر سنه كان يبعطف على المساكين  
وصي كمان على اليتيم  
أمسح دموعه وطبطب عليه  
وقف معاه وخذ بايده  
وصي كمان على ست الحبايب  
أمك ثم أمك ثم أمك  
وأعرف يا غايب  
في سيرته خبرة ومعاني كثيرة  
فسر ووضح وما سابش لنا

حاجة تحير أو لغز صغير  
بالعكس أنه -----شرح ووضح  
وفي كل قضية حكمه مصرح  
فعلا حبيبي  
كامل مكمل وصدق المثل  
لما تجمل  
وقال في وصفك  
ما كامل إلا سيدنا الرسول  
وذكر محاسنك وازاي حافظت على الأصول  
ياما كان في نفسي  
إني أعيش جوا زمانك  
واجهد معاك  
ويكونلي دوري وابقى لازماك  
دايما في بالي باحيي بسيرته

هي اللي الباقية

طريق هدايته

هامشي عليها مهما يطول

ولا هاسمح لفكرة تيجي من عزول

صلوا معانا على الحبيب

بيرد السلام ويكون قريب

سبحانه ربي

ربط اسمه بيه

وقال في الشهادة صلوا عليه

اللهم صل وسلم عليه

وبارك يا ربي وارضيها فيه

# علم الهدى

سيدنا الرسول لمن يري

علم الهدى وقلب الورا

ربط الإله إسمه بيه

وفي كل أذان نسمعه

نزيع الهم واوجاعه

علمه ربه فأحسن

فكان تقي إنسان

ونزع من قلبه نقطة

سوداء كأن نطفة

وكان خلقه القرآن

جمل من حسنه ومن شأنه

لقب بالصدق فى أقواله

وزين بالحلم فى أفعاله

ذاق اليتيم منذ الصغر

ورضاه ربه فى الكبر

وإذاع فى القوم أنه

خاتم المرسلين كانه

ملك أنزل من السماء

بالفضل والعلم احتمي

أكرمه ربه ونعمه

وفى الإسراء انعمه

وعلى السدرة اجلسه

بالقرب منه وانسه

صلوا عليه وأكثروا

بالخير والبركة أنظروا

سيدنا الرسول اشفع لنا

يوم الزحام من يغثنا

أنت الإمام الأحمد

أنت المعظم محمدا

## باب الرحمن

وفي جوف الليل

قمت أصلي

وأبكي وأقول إيه بيحصلي

وارمي حمولي علي اللي خالقتي

هو خلقتي ومش هينسني

ولو ضاقت الدنيا عليا

أو كانت همومي مكفية

مين هالقه فاتح بابيه

غير رب الكون وأسبابه

أرحم عبدك واقف غلبان

مستني رحمة وإحسان

واقف يشكيك من ناسه  
وازاى تغير إحساسه  
ولا بقي ذمة ولا حتي دين  
بايت مظلوم ويوماتي حزين  
وغلبت ياربي وفاض بيا الكيل  
ليه الإنسان جاحد الجميل --؟؟؟  
عايش فى الدنيا وناسي الموت  
أكيد فاكرا انه مش هيفوت  
فعلا الدنيا غرورة يا ناس  
بتموت فينا أجمل إحساس  
غاية فقيرها دايمًا مسكين  
والقوي بيقطع بالسكاكين  
وعلشان طهري من ورا مكشوف  
يعني لا وسطة ولا عندي ظروف

عائش حقي على طول مهضوم

وإن قلت اشكي يقولو موهوم

قلت اكنم جوابيا شكواي

لمين اشكي ومين هيبقي معاي

بس لاقيت باب لسة مفتوح

باب بيداوي لو في مجروح

باب يسمعك وأنت تقول

قول بطبيعتك متخافش عزول

هو ده باب الرحمن

باب تشكيله في كل أوان

ولا يزهدق ويقولك بعدين

بالعكس فضفض وانسي الأحزان

ياالله استغفر ومن ذنبك توب

علشان ربنا يخفف الذنوب

واتأكد انه راح يرضيك  
وهيرجع حقك ويهديك  
آمنت يا ربي وتوبت إليك  
أنا من الساعاتي حياتي عليك

# لبيك ربي

لبيك ربي لبيك  
دعوة وفرحة وامري إليك  
فرح قلبي وارضي عليه  
وأمسح دمعة مالية عينيه  
واعتق رقابنا يا الله  
وفي فرحة نلقي لبنا نجاه  
لبيك ربي وأنا جايه  
ألبي نداك فرض عليا  
واقراً قرآن في الفجريه  
أقبل دعوانا  
وفي عرفة حقق نجوانا

لبيك ربي لبيك  
والخير كله بدعوة إليك

# هل هلاله

هل هلاله ضيف الرحمن

والخير جانا والبركة كمان

وهاتوي الصوم

شهر بطوله

والبركة تدوم

كده بظهوره

وصلة الأرحام

يا رمضان

هاوصلها اوام

وأنا الكسبان

وهاصلي قيام

في جماعة

تراويحه أمان

فيها مناعة

بانسي الأحزان

كده في صلاتي

واقراً القرآن

يهدي حياتي

وإن حد ضايقتي

أقول صايم

أسمع من ودني

كلامه عايم

صاحبني في رمضان

ذكر وأية

وصلاة وتسبيح

هي الغاية

ولا هاسم فيلم ولا مسلسل

خليت الشيطان يتسلسل

هاسمع احاديثه وتفسيره

قرآني جليسي ودائلي

هينور قلبي بقدومه

والحزن هيصحي من نومه

شهر القرآن

مش تسلية

يعني الإحسان      بركة ونية

زادي القرآن      أسمع ليه

ويقيم غلبان      أحسن عليه

وصلاة وقيام      على طول

ذكر وتراويح      تنسي هموم

# إقبل دعوتي

دعوتك ربي أقبل دعوتي  
واخلصت في دعائي وأعلنت توبتي  
ربي أنت المعين  
ربي أنت اليقين  
ربي ذنبي عظيم  
فاغفر ذلتي  
وقفت ببابك ربي  
ودموعي شكوتي  
فأنت الملاذ ربي  
وأنت رحمتي  
سبحان من قال للشي كن فيكون

فأنت أنت الإله وإن طال بالعقل الظنون

سبحان من جاء بالعلم

وجمل الإنسان بالحلم

سبحان من عز ومن ذل

سبحانه الحق تجلي

سبحان من أنزل الرحمات

وقد دعوته واخلفت في الدعوات

# سيدي يا رسول الله

أبدا ما يحلي الكلام  
إلا بذكر النبي العدنان  
أبدا وأبعد عن الأوهام  
بذكره يحلو لي الإصغاء  
فصل عليه في كل أذان  
تصبح وتمسي في أمان  
اللهم صل علي خير الأنام  
وزد وبارك عليه الآن  
فقد كان قدوة ومثال  
عاش وقاسي من الحرمان  
تنقل بين الأهل والخلان

فذاع صيته فى العنان  
ذاق اليتيم والفرقان  
فصنع الله منه خير كيان  
عاش وحيدا بلا صحبان  
فقد كان يفكر فى القرآن  
ويتعبد ليلا والناس نيام  
فلم يشعر بالخوف والتوهان  
قاسى وعانى من الكتمان  
فجعله الله بالحب فيضان  
واكرمه وانزل عليه القرآن  
فكان خيرا وأفضل عنوان  
فصل عليه فى كل أوان  
فحبه من حب الإله كمان  
فهو الشفيع يوم الزحام

يوم لا ينفع أنس ولا جان  
حبيبي يا أفضل من كان  
صل عليك الله كل أوان  
وكرمك بالقربة والصحبان  
صل عليك ملائكة الزمان  
وصعدت بين السماء فى أمان  
فمال عليك الكون هيمان  
يناجيك الشجر والحيتان  
تحنو عليك الشجرة فى غثيان  
فلما عدت أصبحت تمام  
فادركت نعمة الله على الإنسان  
وادبك ربك خير إيمان  
فكنت أفضل من خلق من شبان  
كنت ودودا لكل الأديان

فلم تذلل ملة أو تهان  
ولم تشعر بالذل والهوان  
فتقربوا إليك في كتمان  
فكنت مثال النبل والغفران  
وكنت قريبا جدا من الجيران  
فداك نفسي وابي كمان  
فحبك بعدني عن الأحزان  
وقد زاد شوقي لرؤية العدنان  
فأنت لي صبرا وسلوان

# القرآن خير جليس

رحل من رحل

والعمر فان

والصاحب والجليس

هو عمل الإنسان

فتزود بالتقوي

هي خير إيمان

وعطر لسانك

بآيات القرآن

واجعلها في قلبك

لترحل في أمان

ولتكن لك ذكرى

هي أفضل عنوان

واعفو واصفح

عن من كان

وأطلب العفو

في كل أوان

فربك الغفور

سبحانه رحمن

# الحياة والموت

الحياة مثل الشجرة

والموت فروعها

فمن تأتي ساعته

يتساقط من أغصانها

فالموت مكتوب على ورقة

دائما فى إنتظار مليكها

إلى أي حد تهون الحياة؟؟؟

يا بؤس من يعمل لها

إلى أي حد تهون الحياة؟؟ ؟

يا ظلم من يخاف عليها

هكذا وجودنا سراب

والروح لابد من طلوعها  
هكذا أجسامنا تراب  
والدود أكيد طعام لها  
هل نظرت مرة للشجرة؟؟  
فهكذا الحياة تشبه لها  
هل دمعت مرة للغفلة؟؟  
فهكذا الموت ينبه بها  
هل فكرت مرة فى القبر؟؟  
فهكذا النهاية توشك بها

# سامحني يا ايه

سامحني يا ايه

كلك طايبة

طول عمري جاحد وناكر الجميل

لكن أنت دايمًا ليا دليل

حاولت تزرع فيا الإرادة

وتحبب قلبي كده في العبادَة

لكن مشيت وياي التيار

خدوني أصحابي لطريق دوار

أشرب وولع في سجائر

ريح دماغك وسائر

وفجأة صحتاني ضميري

وكلام أبوي دا اللي حاميني

ولاقيتني راجع تاني للبيت  
وكأني بابتدا ولا خطيت  
وباعلن في توبتي وصلاحي  
واحلف يمين هالقي نجاحي  
وسامحني أبوي وخذني معاه  
وفي حضنه الدافئ ناسني الآه

# حلم أم

آه يا أمي

ياللي عشت تحلمي بيا

ولما جيت للدنيا دية

لاقيتني يتيم

وأنت يا أمة مش معاي

إيه يفيد ومين هلاقي سند وحماية

عشتي ماستك لوحداك

عشتي سنين حزنك علي أبناك

اللي مات في لحظة يا أمة

وأنت تقولي روعي وعينية

هتفضل عايش جواي يا ابني

هاعيش حزينة وعيوني تبكي

وبعد طول صبرك---- رضاك

رب العباد وبية هداك

وبعتني ليك بعد الغياب

وراح الحزن وأيام عذاب

لكن دايمًا الحلو ما بيكملش

والفرح يا امة ليك مادامش

وبدأت حكايتي بموتك إنت

قاسيت كتير ولا حد جنبي

مين هيواسيني

لو يوم زعلت

يمسح دموعي لو يوم حزنت

وحكولي عنك يا امة كتير

وازاى تعبت وقاسيت كتير

لكن صممت أكون فى يوم  
ناجح معروف رغم الهموم  
فعلا كافحت وكان كفاحي  
ثمرة نجاحي  
وحققت ذاتي  
وردت لأمي حاجة من الجميل  
وخففت عني حملي الثقيل  
وسبحانه العاطي من غير حساب  
ونجاحي هو كله أسباب  
والفضل لله ولست الحبايب  
يارب فى الجنة بعد المتاعب  
أهدي لروحك نجاحي كله  
كان نفسي مرة فى حضن دافئ  
لكن عزائي نجاح كفاحي

## ومين فينا ما حلمش

مين فينا ما حلمش فى يوم

أنه يحقق يوم حلمه

يتحمل ويدوق اللوم

وبعزم يرسم طريق أمله

ولا يسمح لليأس يهده

يفتحله طريق ويسده

وفي لحظة تلاقيه متشاوم

وعلى حلمه كمان ببساوم

ودا كله ليه

يستسلم لشيطانه ونفسه

يجني بايده ثمرة ياسه

ويرجع ندمان  
ويشيل هم الدنيا كأنه  
أكبر مية مرة من سنه  
ودا كله ليه---؛---  
علشان مانعرفش نحلم  
ولما أحلم حلمي جواي  
واعذاري دايمًا وياي  
أن في ظروف واقفة قصادي  
والحلم دا يعني شئ عادي  
مش شرط أعيشه وأنا صاحي  
ولا هيكون يوم سر نجاحي  
طب دا اسمه كلام  
بايدينا نهد في عزيمتنا  
ونقول أحلام

لا بنقدر نسعي بارادتنا  
والحلم نشوفه فى حياتنا  
بصبر الأيام  
علشان ننجح لازم نصبر  
لازم نتعلم كده نعبر  
منقولش بكام  
مهما قسينا وكانت بينا  
المحنة لا يمكن تهزمننا  
ولا حتي تفرق تاني بينا  
وياريت نصفي ضمائرنا  
ومحدث يرسم لنا مصيرنا  
ونتحمل بعض كده شوية  
ترجع من تاني الحنية  
وساعتها أكيد

الحلم الغايب هيقرب  
والصعب فى حياتنا اتسرب  
وبدأنا طريقنا وحياتنا  
بعهد جديد

# يوم اليتيم

اليتيم أبنيك وأبني  
في لحظة يجي الدور عليه  
عد اللي راح وخلص أرتاح  
لكن عمله هو اللي باقي لابنه وليه  
ربي وكبر  
وازرع في أبنيك  
الخير هيجني ثمره بايده  
علمه يدي زي ما باخد  
قوله القناعة كنز في أيده  
عملك باقي لابنيك  
هو امتدادك

واللي عملته بقي دين عليه  
علشان دا كله لو شوفت يتيم  
لازم تحن وتعطف عليه  
أمسح دموعه فرح همومه  
وحاول ترسم بسمه في عينيه  
اعتبره ابنك وأنت معاه  
طبطب وداوي وساعده في خطاه  
سيدنا الرسول وصي وقال  
أكفل يتيم هتقابله في الجنة وتكون معاه  
يعني اسأل في كل مناسبة  
دايما عليه  
وأشوف مطالبه ويأريتنني أقدر احققها ليه  
مش بعد الحفلة خلصت رسالتنا  
ولا حد بيسال تاني عليه

عايزين تواصل

علشان يعيش يتيمنا بينا من غير مصاعب

واذية ليه

الرحمة هي أساس المعاملة

وعملنا الصالح الرحمة بيه

ساعتها أكيد هتجرح رسالتنا

وهنلقي اليتيم ولا شكوي ليه

والخير هيفضل دايمنا بينا

وياريت نكثر من فعل الخير

علشان دى الذكرى الباقية ليك

## على باب الرحمن

ارمي حمولك على الرحمن  
وانسي همومك لو زعلان  
ربك دائما بالمرصاد  
مش بالعزوة والإعداد  
دعوة في جوف الليل تحميك  
تنور وشك وتخليك  
راضي بحكمه وقابل بيه  
مهما يكون ربنا يرضيه  
ملناش غير باب الرحمن  
ادعي بذمة انت الكسبان  
ربنا نعمه كتيرة علينا

لو هانبص نشوف بعيننا  
رزق النملة في جحر صغير  
والعصفور عمره ما تحير  
عارف رزقه جاي مينين  
كله مكتوب على الجبين  
آمن يا لله يا نن العين  
وأعرف أن الخير مكتوب  
اوعي الشر بسرعة وتوب  
إحق اللي باقيلك فيه  
تلقى السعد وراحتك فيه

## قول الحق

أحلف أقول الحق

وانصف المظلوم

وعمري ما أقول لأ

ولا يهمني اللوم

اشهد بحق الله

والعدل في الإنصاف

من غير نفاق ورياء

ولا حمل على الأكتاف

عايشين زمن عجيب

الكل فيه ملهوف  
لا فارق غريب وحبیب  
ویاما كده هنشوف

واللي یقول الحق  
یهاجموه فی الألواح  
اشهد وقول كده لأ  
ولا تلتفت لنباح

ربك علیم ستار  
عیش فی حماه تنول  
بیکشف الأسرار  
لما الحقیقة تثور

اشهد شهادة الحق  
ولو بسيف هتكون  
والوقت وقت الجد  
ولا شئ ممكن يهون

## إلحق توب

اتخيل صحيت من نومك  
ولاقيت روحك فى القبر  
وتركت مالك وهدومك  
والناس بتدعي بالصبر

وملايكة واقفين حواليك  
بتسأل عن عملك ودينك  
ولا عاد فى شيء بايدك  
وعملك بس اللي يعينك

هترد وتقوله ليه  
قصرت كتير فى صلاتك  
وهتبكي وتندم على إيه  
ما الفرصة راحت فى حياتك

ولو سألك ربنا عن مالك  
وجمعه ازاي ومنين  
وعملك بالزور كان حالك  
وظلمت كتير مساكين

ولا عمرك كظمت فى غيظك  
وسامحت الناس بالطيبة  
بالعكس فارد فى ضلوعك  
وبتخوف الكل بهيبة

الوقتي راحت الأعمال

والجاي وقت الحساب

شغلت روحك بالمال

أتحمل وقت العذاب

اهي فرصة يمكن نلحقها

وبسرعة نتوب ونسامح

الشاطر بس يدققها

هيفوز بحصانه الجامح

ياما غيرنا كانوا يتمنوا

لو فرصة يرجع للدنيا

وبالعمل الطيب يتهني

وحياته هتكون حاجة تانية

اتغروا وعاشوا وماتوا  
ونسوا ان الموت ده جاي  
وكل ما جمعوه فاتوا  
ودي دعوة لمن هو حي

التوبة مفتوحة ابوابها  
وربنا غفور ورحيم  
وجهنم جاهزة بعذابها  
ويارب ارحمنا أمين

## عيش في حماه

ليه دايمًا شاييل الهم

متعكر كده متغم

وكأنك عايش وحدك

أفرح وانسي يا عم

فكر في رضا الرحمن

تلقاه في كل أوان

حافظ شرك ويعينك

وحاميك من شر الجان

اللي يعيش في حماه ينول

رضاه ونعمه عمرها ما تزول

وتديم بركاته عليه

ويعيش مستور على طول

ادعيه ليل ونهار

استرني يا ستار

طالب رضاك وحماك

من غيرك أنا بانهار

نفسي أعيش في حماك

واملي عيني برضاك

والقلب يكون مطمئن

اقبلني أنا باترجاك

## مسلم وقبطي

ودي عيشة وحبينها  
وياما حلمنا نكملها  
ولا حد فى يوم يقدر  
يخطي ويرسم على جبينها  
محمد وحنا ومينا  
ومين يقدر يعاديننا  
ومهما يحاولوا  
تفكيكنا بتتشبك أياديننا  
هنعيش مع بعض أيد واحدة  
قلوب على الخير متحدة  
لا فارقة مسلم ولا مسيحي

أسمع ترانيمه يسمع تواشيحي

قرأنا وصنا عليه

ورسولنا الغالي قال فيه

ياريت محدش ياذيه

ده أخوي في الله وارضيه

# خاتم الأنبياء

سبحانه الإله حباك

رحمة ومحبة ورعاك

بأفضل خلق ربك

وعلي التقوي والإيمان مثواك

وبخاتم الأنبياء أسماك

وبالنبوة والمعجزات اهداك

وفي عام الفيل رحماك

اهدانا مجييك ولقياك

لكن باليتم ربك

الجد والعم يرعاك

وبالقران اوحالك

اقرأ وكمل مساعاك  
وفي يوم الإسراء اهداك  
أمام للرسل ورضاك  
وفي سدرة المنتهي لقياك  
مع الإله في منتهاك

# في حب الرسول

نفسي أشوفك يا حبيبي

وأكون من المجاهدين

ياريتني عشت في زمائك

وأنت إمام للمصلين

نفسي أمشي على دربك

وأموت فداك أمين

يا حبيبي يا محمد

إنت القدوة إنت الأمين

كل يوم يحكولي عنك

عن جهادك للعالمين

فداك نفسي يا محمد

يا صاحب الخلق العظيم  
حبك في قلبي يا حبيبي  
شغلي حتي عن العالمين  
نفسي انول شفاعتك  
نفسي أكون من الصالحين  
زورني مرة في منامي  
حقق حلمي المستكين  
طمن قلبي بزيارتك  
نفسي أنام وأقول أمين

# هجرة الرسول

بكت عيون القلب  
من كثرة الذنوب  
وتذكرت هجرة الرسول  
ونويت أن أتوب  
حبيبي يا رسول الله  
يا من عفوت عن من اذاك  
وسألت عن جارك اليهودي الذي عاداك  
وتحملت الصعاب فبدأت الهجرة بالبركات  
وهاجر معك الصديق ابوبكر وتحمل العثرات  
وكان عبدالله ابنه رسولا بالبشارات  
وفي غار حراء مواقف ومعجزات

نسج العنكبوت خيوطه  
ورقدت الحمامة فى لحظات  
وجاءت ذات النطاقين  
بمعونة السموات  
حبيبي يا رسول الله  
يا من أهل بنوره يثرب  
فزادها بركات  
وقف الجميع فى لهفة انتظار قدومه  
ونزلت من العيون دموعات  
بفرحة المصطفى زاد الوجود بهاء  
وفي حضرته شوقا وتحلي بالرحمات  
حبيبي يا رسول الله  
يا شفيعا يوم الزحام  
قد لان قلبي لرؤياك

فأصبح لا ينام  
فأنت الحمي والرجاء والغفران  
ورجائي أن يجمعني بيك  
في جنه العدنان

# مولد الحبيب المصطفى

جل الإله

علي الحبيب وأكرمه

وفي عام الفيل

كان مولده

محمد ومحمودا في السماء

وأحمد ----- وأكرم السعداء

ولد يتيما ورعاه جده

ومات عنه --- فزاد في الحياه همه

وانتقل الي بيت عمه يرعاه

فكان يحنو عليه خير من رباه

وفي غار حراء أكرمه الإله

اقرأ ---- محمد

فأنت في علياءه

عرف الأمين

بصدقه وأمانته

سيدنا الرسول لن تجد في سماحته

من لان جذع الشجرة --- حين تركته

والشاة المسمومة تنطق بعظمته

وعرجت

في السموات العلي

فكأنت الأسرار

رحلة إلهية

إلي رب السماء

وعرجت إلي سدرة المنتهي

ما أجمل اللقاءات

فكنت الخليل والكليم  
وصاحب المعجزات  
أكرمك الإله بنعمة القرآن  
فكنت أظهر البشرية والأزمان  
سيدي يا رسول الله  
يا إمام المتقين  
سلاما وتحية ومحبة والتزاما

# مولد الرسول

سيدنا الرسول

يوم ميلادك يوم عظيم

يحكي عنه أجيال كثير

يوم الرحمة والمحبة للعالمين

يوم ما جاءنا الهلال فى عام الفيل

كان فى عامه المعجزات

اللي هزت السموات

عرش كسري انهد فيه

وضاع القيصر وراح ماله

حتى القمر انشق فيه

وكان أثنين

لما سمع بشري محمد  
ملاه حنين  
ورغم دا كله جه يتيم  
مات أبوه وأمه  
وعاش وحيد قلبه حزين  
بس لقب بالأمين اللي زيه مفيش اتنين  
حتي زهده بان عليه  
كان بيرفض الأوثان  
ويقول أحجار مصنوعة بيه  
ولما بدأ يتعبد في غار  
ويختفي طول النهار  
جاءه جبريل الأمين  
وقاله أقرأ محمد  
ارتعش جسمه وخاف

لكن هاتف قال تجلد  
من هنا بدأت رسالته  
في الهداية والدعاء وتوصيل الأمانة  
صل عليه سيدنا الرسول  
في كل آن  
علشان يرد عليك السلام  
وتبقي في أمان  
هو الشفيح المصطفي  
يوم الزحام  
يوم الرحمة ما يسود فيها السلام  
وأحنا على السنة وراءه دايمًا ماشين  
علشان حبيبنا المصطفي  
خير البرية أجمعين

# العمل التطوعي

وجهت وجهي نحو

بابك ارتجي

رضاك عني فمن لي

غيرك اقتدي

واخلصت عملي ونيتي

في حب رسولك قدوتي

ونويت خيرا في دنيتي

ووجهت نحوك قبلتي

فثواب خيرا أفعله

أعمل معروف واكمله

وفي حر يوما اصومه

وفي عز نومي اقومه  
ونويت أيضا منع الأذى  
عن الطريق ممن هذي  
وتعبت جنازة من لا أعرفه  
وقبلت قضاءك ما الطفه  
وعدت مريضا في أزمته  
وشهدت بفضله وعفته  
ورجوت بعلمي محبتك  
فقد طال شوقي لرؤيتك  
أقبل صنيعي في دنيتي  
واجعله انيسي في وحدتي

# بكت دموع العين

بكت دموع العين

مخافة أن ألقاك

فقد عظمت ذنوبي

وليس لي ربا سواك

إلهي ومنقذي

وملاذي من ذنوبي

تجاوزت الحدود

وعزمت أن أتوب

فهلأ تقبل عاصيا

زادت خطاياها

وقف وحيدا عند بابك

نادما على ما جناه

إلهي

فأقبل توبتي

وأقبل رجائي

فأنت أنت أُملي

وغايتي ومناي

# النبي الأعظم

يا أيها المارد الأحمر

يا صورة من الجان

صورت النبي الأكرم

في صورة إنسان

علشان ترضي غرورك

بروضة هتعيش والله جبان

دا النبي محمد أعظم

في كل أوان

هو النور هو التقوي

علشان كان ليه كيان

صورة النبي الغالي في قلبي

وفي قلب الشبان  
مرسومة ومطبوعة بدمي  
ودي صرخة إنسان  
باعلنها للعالم كله  
علي مر الزمان

## طه حبيب الله

علي التقوى كان مرعاه

ماشي في رحاب الله

من غير طمع في الجاه

سموه الأمين عليهم

وحكموه في طغاه

أحكم وانهي يا طه

سبحانه من سواه

كامل وصف وحكاية

وحده الكمال لله

عاش الحبيب يتيم

وربنا بيرعاه

شال الحمل وكان  
برسالتہ رحمہ مہداه  
أسري لسابع سما  
وجالس الإله  
كان له خليل وحبيب  
سبحاته هو رضاه

## محتوى الكتاب

|    |                     |
|----|---------------------|
| 2  | بطاقة الكتاب        |
| 3  | المقدمة             |
| 4  | الإهداء             |
| 5  | بدر تجلى للورى      |
| 8  | خير البرية          |
| 11 | حبيبى يا رسول الله  |
| 13 | حبيبى المصطفى       |
| 15 | شهر رمضان           |
| 17 | يا بخته الموعود     |
| 19 | باعشق رسول الله     |
| 21 | طه حبيب الله        |
| 24 | سيرة الحبيب المصطفى |
| 29 | علم الهدى           |

|    |                         |
|----|-------------------------|
| 32 | ..... باب الرحمن        |
| 36 | ..... لبيك ربى          |
| 38 | ..... هل هلاله          |
| 41 | ..... إقبل دعوتى        |
| 43 | ..... سيدى يارسول الله  |
| 47 | ..... القرآن خير جليس   |
| 49 | ..... الحياة والموت     |
| 51 | ..... سامحنى يا أبه     |
| 53 | ..... حلم أم            |
| 56 | ..... ومين فينا ما حلمش |
| 60 | ..... يوم اليتيم        |
| 63 | ..... على باب الرحمن    |
| 65 | ..... قول الحق          |
| 68 | ..... إحق توب           |

|    |                           |
|----|---------------------------|
| 72 | ..... عيش فى حماه         |
| 74 | ..... مسلم وقبطى          |
| 76 | ..... خاتم الأنبياء       |
| 78 | ..... فى حب الرسول        |
| 80 | ..... هجرة الرسول         |
| 83 | ..... مولد الحبيب المصطفى |
| 86 | ..... مولد الرسول         |
| 89 | ..... العمل التطوعى       |
| 91 | ..... بكت دموع العين      |
| 93 | ..... النبى الأعظم        |
| 95 | ..... طه حبيب الله        |